

丹陽縣志補遺卷之十五

義舉

明

東儉正德辛巳大濬運河值雨雪夫役二千餘寒病莫能興儉捐銀二千餘賑之枯僵立振頂祝聲連數十里數月而工竣

孫沐字志新太學生同舍生鄧廷相卒沐爲之殯歸其孤於奉新歲周恤之

蔣子明文燁年逾五十無子將禱於武當晨赴浴池拾遺金數鎰頃之有父子二人踉蹌至覓金不得欲投河

丹陽縣志補遺

卷之十五

義舉

一

蔣止之詢係嫁媳得金償官租者盡還之武當歸未幾妻朱氏有身生子應奎善醫

東港字師爽有賈客買穀數百斛先質以金約運穀時付訖尋以母病歸而穀價昂起客返意穀必另售懇退金師爽曰穀故長何退爲自是遠近稱爲長者北直人舟次丹陽被盜師爽解囊助之歸後以葬地與鄰訟幾構大獄適前被盜者以直指巡視江南聞其事曰是安足誣東君乃得直

盛順字順伯諸生性至孝四歲從母過東郊母因得病卒順望其地輒久流涕與山東巡撫范三徵有舊謁之

得萬金適公車有被劫者悉畀之不少吝黃公道周一
時欲置之死順伯計全之由是結納滿天下名列復社
清

吳中仁業賈好義有客投其肆遺金去中仁檢視畢封
識如故久之客至驗其言相符出以付之客議謝不許
客亦不忍復言謝

盛世庸幼聘舅氏曹柳溪女遘風疾曹以不堪主祀辭
世庸曰女旣字吾有疾命也遂娶之

呂長春咸豐癸丑金陵陷呂城設防局長春以董事有
勞獎叙州同銜丙辰提督向榮命副將虎坤元駐軍珥

丹陽縣志補遺

卷之十五

義舉

一一

陵珥人德之赴蘇購萬民傘舟過奔牛被兵劫乞救防
局兵踵至局勇要截斃數人逸者誣訴向榮謂擅殺官
軍榮逮董事諸董悉逃長春獨身任之承審官知其冤
諷曰汝非殺人者何自苦長春供如故旣而榮歿代者
畏兵譁不敢平反長春遂遇害鎮人爲設木主於大王
廟私謚壯愍

裴文光夜歸至城南觸履有聲燭之帛裏五十金守俟
無過問者乃片書居址於道旁而去詰朝失金者至門
叩其狀不誑爰如數還授其人欲以半謝却不受

丹陽縣志補遺卷之十五終